

ՀԱՅԱՍՏԱՆԻ ԶԼՄ-ՆԵՐԻ ԷԹԻԿԱՅԻ ԴԻՏՈՐԴ ՄԱՐՄՆԻ

ԿՈՉԸ

Խաղաղության գործընթացը լուսաբանելիս մասնագիտական պատասխանատվության պահպանման մասին

Մեպտեմբերի 3, 2025

Վաշինգտոնի համաձայնագրերի նշանակությունը

Օգոստոսի 8-ին Վաշինգտոնում Հայաստանի, Ադրբեջանի եւ ԱՄՆ-ի ղեկավարների ստորագրած համաձայնագրերն առանցքային նշանակություն ունեն Հայաստանի եւ ամբողջ տարածաշրջանի համար: Մակայն այդ փաստաթղթերի շուրջ դեռեւս կան բազմաթիվ հարցեր եւ մանրամասներ, որոնք մնում են ոչ ամբողջովին համաձայնեցված:

Առաջիկա ամիսները լինելու են ինտենսիվ բանակցություններով լեցուն, ուստի մեծ է նաեւ տեղեկատվական արտահոսքերի հավանականությունը: Նման պայմաններում լրատվամիջոցների պատասխանատվությունը բազմապատկվում է, քանի որ նրանք ոչ միայն լուսաբանում են գործընթացը, այլեւ հանրային մթնոլորտ են ձևավորում դրա շուրջ:

Տեղեկատվության հուսալիության խնդիրը

Հայտնի է, որ լրագրողների ու լրատվամիջոցների հաղորդած յուրաքանչյուր սենսացիոն կամ չհաստատված տեղեկություն կարող է մեծ ազդեցություն ունենալ՝ դուրս գալով երկրի սահմաններից: Բացահայտ նախադեպերից էր հուլիսի վերջին իսպանական *Periodista Digital*-ի հրապարակած հոդվածը, որտեղ ներկայացվում էին ենթադրյալ տվյալներ Սյունիքով անցնող երկաթուղու վերականգնման եւ կառավարման գործում ամերիկյան մասնավոր կազմակերպության մասնակցության վերաբերյալ:

Հոդվածում տեղ էին գտել չճշտված պնդումներ, թե իբր ճանապարհի անվտանգության ապահովման եւ եկամուտների բաշխման հարցում ներգրավվելու է օտարերկրյա մասնավոր ռազմական ընկերություն: Սա կարող էր սկզբից եւեթ վարկաբեկել հաղորդակցության ուղիների ապաշրջափակման շուրջ պայմանավորվածությունները: Այս դեպքը ցույց տվեց, որ ապագայում նույնպես հավանական են նմանատիպ տեղեկատվական «արտանետումներ»՝ հաշվի առնելով խաղաղության եւ կայունության ուղղությամբ սպասվող բարդ բանակցությունները:

Դիտորդ մարմնի խորհուրդները լրագրողական հանրությանը

Հաշվի առնելով վերոհիշյալ միտումները՝ ԶԼՄ-ների էթիկայի Դիտորդ մարմինն անհրաժեշտ է համարում հանրությանը ներկայացնել իրավիճակի վերաբերյալ որոշ պատկերացումներ ու խորհուրդներ:

- Օգոստոսի 8-ի համաձայնագրերով սկսված գործընթացի ամեն մի մանրամասն հանրային շահի տեսանկյունից բացառիկ կարեւոր է, եւ ՁԼՄ-ների ուշադրությունը թեմային առնչվող յուրաքանչյուր տեղեկության նկատմամբ՝ արդարացված: Այդուհանդերձ, բարեխիղճ լրագրության եւ լսարանի առջեւ ազնիվ լինելու սկզբունքները ենթադրում են այդ տեղեկության ստուգում, իսկ եթե հրապարակման պահին տեղեկատվության լիակատար հավաստիության ապահովումը հնարավոր չէ, ապա լսարանին պետք է զգուշացնել այդ մասին:
- Հաշվի առնելով, որ ժամանակակից տեղեկատվական միջավայրում անընդհատ կեղծ լուրեր եւ մոլորեցնող բովանդակություն տարածող ռեսուրսներ են ստեղծվում, լրատվամիջոցների մասնագիտական պարտականությունն է՝ աղբյուրների տարբերակումը, դրանց վստահելիության մակարդակի վերաբերյալ տվյալների մշակումը կամ հավաքումը:
Հարկ է, որ տարատեսակ աղբյուրներից ստացված տեղեկությունների տարածման նպատակահարմարության վերաբերյալ որոշումները հիմնված լինեն դրանց վստահելիության մասին ձեր ունեցած տվյալների վրա:
- Չհաստատված փաստեր (հատկապես՝ կասկածելի աղբյուրներից վերցված) հրապարակելիս, դրա մասին զգուշացնելուց զատ, խորհուրդ է տրվում նյութի մեջ ներառել այդ հարցերի առնչությամբ մեկ կամ մի քանի փորձագետների մեկնաբանությունները եւս՝ դրանով իսկ օգնելով, որ լսարանն ավելի լավ կողմնորոշվի, թե որքանով է իր ստացած տեղեկությունը վստահության արժանի: Նման իրավիճակներում նպատակահարմար է նաեւ թեմայի վերաբերյալ այլ ՁԼՄ-ների հրապարակումներից ուշագրավ մեջբերումներ առաջարկել, եթե այդպիսիք լինեն: Բոլոր այդ քայլերը թույլ կտան նվազեցնել բացասական հետեւանքներն այն դեպքերում, երբ ի վերջո կասկածներ ի հայտ գան տարածված փաստերի հավաստիության վերաբերյալ:

Հայաստանի լրատվական դաշտի ներկայացուցիչներին կոչ ենք անում հանրային կարեւորություն ունեցող հարցերի բարեխիղճ լուսաբանման հարցերում առաջնորդվել Հայաստանի լրագրողների եւ լրատվամիջոցների էթիկայի [Կանոնագրով](#), ինչպես նաեւ՝ Դիտորդ մարմնի կողմից մշակված [ուղեցույցներով](#):

Դիտորդ մարմնի հորդորը պաշտոնական մարմիններին

Պաշտոնական տեղեկատվության պակասը, հետաձգումը կամ աղավաղումը նախկինում առաջացրել են լարումներ ինչպես հայաստանյան հանրության, այնպես էլ հայ-աղբյուրեղանական հարաբերությունների մեջ: Ընդամենը, ՁԼՄ-ների էթիկայի Դիտորդ մարմինը կոչ է անում ՀՀ պաշտոնական կառույցներին՝ հանրությանը հնարավորինս տեղեկացնել ոչ միայն օգոստոսի 8-ի համաձայնագրերի, այլ նաեւ Աղբյուրեղանի հետ խաղաղության գործընթացի այլ ուղղությունների վերաբերյալ պայմանավորվածությունների եւ դրանց կատարման ընթացքի մասին: